

ՀԱՆՐԱՅԻՆ ՔՆՆԱՐԿՄԱՆ ԱՐՁԱՆԱԳՐՈՒԹՅՈՒՆ

ք. Էջմիածին

21 մարտի 2024թ.  
Ժամը 11:15-ին

«Շրջակա միջավայրի վրա ազդեցության գնահատման և փորձաքննության մասին» ՀՀ օրենքի և ՀՀ Կառավարության 19.11.2014 թվականի թիվ 1325-Ն որոշմամբ սահմանված կարգով, 2024 թվականի մարտի 21-ին՝ ժամը 11-ին, Վաղարշապատի համայնքապետարանի «Մակար Եկմալյանի անվան թիվ 1 երաշտական դպրոց» ՀՈԱԿ-ի շենքում կայացավ Վաղարշապատի Մ. Մաշտոցի անվան թիվ 1 հիմնական դպրոց ՊՈԱԿ-ի կողմից Վաղարշապատ համայնք, ք. Էջմիածին, **Բաղրամյան փողոցի թիվ 12 հասցեում նախատեսվող դպրոցի կառուցման նախագծային փաստաթղթերի վերաբերյալ** հանրային քննարկման շրջանակում /1-ին փուլ/ /Վաղարշապատ համայնք, Բաղրամյան փողոց թիվ 12, տնօրեն՝ Լիլիթ Պետրոսյան/ :

**Ելույթներ.**

**Մ.Պողոսյան** - Բացման խոսքով հանդես եկավ Վաղարշապատ համայնքի ղեկավարի խորհրդական Մարիամ Պողոսյանը: Ողջունելով ներկաներին, Մ.Պողոսյանը նշեց, որ հանրային քննարկման մասին հանրության լայն շերտի տեղեկացվածությունն ապահովելու համար համայնքապետարանը ձեռնարկել է օրենքով սահմանված բոլոր միջոցները: Մասնավորապես՝ հանրային քննարկման մասին ամբողջական տեղեկատվությունը տեղադրվել է համայնքային կառավարման տեղեկատվական բոլոր հարթակներում, տպագրվել է թերթում, հայտարարությունը փակցվել է հայտարարությունների համար առանձնցված հատվածներում: Հաշվի առնելով աշխատանքային ժամը, նաև հնարավորություն է տրվել առաջարկություններ և/կամ առարկություններ ներկայացնել համայնքապետարան՝ էլեկտրոնային կամ առձեռն եղանակով: Մ.Պողոսյանը հավելեց, որ էլեկտրոնային կամ առձեռն եղանակով առաջարկություններ կամ առարկություններ չեն ստացվել:

«Համայնքապետարան ներկայացված նախագծային փաստաթղթերի համաձայն նախատեսվում է կառուցել 1 ստորգետնյա և 3 վերգետնյա հարկերով դպրոց, քանդելով վկայականում առկա բոլոր շինությունները: Նախագիծը ներկայացնելու համար խոսքը տրվում է նախագծային ընկերության տնօրեն Վլադիմիր Իսպիրյանին», - Մ.Պողոսյան:

**Վ. Իսպիրյան** – Գոյություն ունեցող դպրոցը ենթարկվել է տեխնիկական իրավիճակի ուսումնասիրության: 6 մասնաշենքերից միայն 2-ը վթարային չեն: Նախարարության հետ քննարկումներում որոշվեց, որ գոյություն ունեցող շինությունները պահելը նպատակահարմար չեն: Հաշվի առնելով տարածքի/ հողամասի փոքր լինելը, դպրոցը կառուցվելու է 3 վերգետնյա հարկերով, որպեսզի ապահովվի անհրաժեշտ քանակի դասասենյակները: Նկուղային հարկում նախատեսված է հրաձգարան, գրադարան,

ապաստարան՝ անհրաժեշտ բոլոր համակարգերով՝ օդափոխություն, հովացում և այլն: Ունենք հանդիսությունների դահլիճ, խոհանոց, ճաշարան, մարզասրահ, հնարավորության դեպքում տանիքում կնախատեսվի նաև ֆուտբոլի դաշտ, սակայն այս պահին դեռ քննարկման փուլում է: Պարզապես տարածքի փոքր լինելը թույլ չի տալիս դրսում ունենալ ֆուտբոլի դաշտ: Սպորտդահլիճը և հանդիսությունների դահլիճը կունենան հովացման և օդափոխության համակարգեր: Բոլոր դասասենյակները կունենան օդափոխության և ջեռուցման համակարգ: Առհասարակ շինությունը ապահովված է լինելու քաղաքաշինական նորմերին համապատասխան բոլոր համակարգերով: Նախատեսված են համակարգչային, կենսաբանության, քիմիայի լաբորատորիաներ: Շենքը հարմարեցված և հասանելի է լինելու հաշմանդամություն ունեցող անձանց համար:

### **Հարց ու պատասխանի ընթացքում հնչեցին հետևյալ հարցերը.**

**Լիլիթ Պետրոսյան** – Դպրոցի տնօրեն Լ. Պետրոսյանը նկատեց, որ նախագծում բացակայում է ներառական կրթության համար նախատեսված դասասենյակ, որտեղ ուսուցչի օգնականը պետք է պարապմունքներ անցկացնի, հատուկ դիդակտիկ նյութերի օգնությամբ աշխատի ԿԱՊԿՈՒ սաների հետ:

«Այս պայմանները պետք է ստեղծվեն ԿԱՊԿՈՒ աշակերտների համար, որպեսզի նաև հոգեբանը կարողանա աշխատել: Նախնական քննարկման ժամանակ այս հարցը ես բարձրացրել էի»:

**Վ. Իսպիրյան** – Այո, նախագծով նման աշխատասենյակ նախատեսված չէ: Նախարարության հետ կքննարկենք ձեր առաջարկը:

**Լիլիթ Պետրոսյան** – Նախագծով նաև ներառված է լաբորատոր նյութերի և գույքի ձեռքբերում, սակայն մենք դրանք ստացել ենք նախարարությունից: Ինչ ենք անելու այս դեպքում:

**Վ. Իսպիրյան** – Եթե նախարարությունից դուք ստացել եք նյութերը, ապա նախագծով դրանք այլևս չպետք է ներառվեն: Այս հարցը ևս կքննարկենք նախարարության հետ:

**Վ.Դավթյան** – Վաղարշապատի համայնքապետարանի քաղաքաշինության և հողաշինության բաժնի պետի տեղակալ Վասպուրական Դավթյանի առաջին հարցը էներգոարդյունավետության ապահովման համար նախատեսված միջոցառումների վերաբերյալ էր:

**Վ. Իսպիրյան** – Ճարտարապետն ընդգծեց, որ թե պատերը, թե տանիքը ջրմամեկուսացված են լինելու՝ համապատասխան շինարարական նորմերին: Ջեռուցման համակարգերը ևս նախատեսված են արդի լուծումներով:

**Վ. Դավթյան** – Շինության տանիքը հարթ է նախատեսված թե՛ լանջավոր:

**Վ. Իսպիրյան** – Տանիքը հարթ է լինելու, այս հատվածը ծառայելու է նաև տեխնիկական համակարգերի համար: Իսկ մի հատվածը, ինչպես արդեն նշեցի, կծառայի որպես ֆուտբոլի բացօթյա դաշտ՝ ցանկապատով:

**Վ. Դավթյան** – Հաջորդ հարցս շինարարության ընթացքում տրանսպորտային մուտքերի վերաբերյալ է: Բաղրամյան փողոցը և մայթերը նոր հինանորոգված են: Պետք է հաշվի առնել այս հանգամանքը և շինտեխնիկայի մուտքերը այդ հատվածով չնախատեսել: Նաև ուզում եմ նշել, որ հատող՝ Թումանյան փողոցը միակողմանի է:

**Վ. Իսպիրյան** – Այս հարցը անպայման կհամաձայնեցվի ՏԻՄ-ի հետ:

**Ա. Մինասյան** – «Էկո մենեջմենթ» ՍՊ ընկերության տնօրեն Արթուր Մինասյանը նշեց, որ նախատեսվող գործունեության նախնական գնահատման հայտը մշակվել է իրենց ընկերության կողմից: Այս հանրային լսման ավարտից հետո, երբ արձանագրությունը ներկայացվի ավագանուն և համայնքը վերջնական դիրքորոշումը տա, բոլոր պահանջվող փաստաթղթերը փաթեթով կներկայացվի Շրջակա միջավայրի նախարարություն և կկազմակերպվի հետագա գործընթացը: Հայտում կներառվեն բոլոր միջոցառումները շինարարության փուլում շրջակա միջավայրի վրա ազդեցության մեղմման համար, շինարարությունը կկազմակերպվի շինկազմակերպման նախագծին համապատասխան՝ նախատեսված պահանջվող բոլոր պայմանների պահպանմամբ: Նախարարության դիտողությունների հիման վրա, եթե այդպիսիք լինեն, նախնական գնահատման հայտը կլրամշակվի, ապա կկայանա հանրային 2-րդ լսումը, որին կմասնակցի նաև նախարարության ներկայացուցիչը:

**Վ. Դավթյան** – Տարածքում կան ծառեր, որոնք նախատեսվում է հատել:

**Վ. Իսպիրյան** – Կան ծառեր, որ ենթակա են հատման, քանի որ այդ հատվածում նախատեսված է կառուցել 3-րդ մասնաշենքը: Ցանկանում եմ նշել, որ եթե լինեն ծառեր, որոնք հնարավոր կլինի վերատնկել՝ կտեղափոխվեն և կվերատնկվեն:

Հարցերի բացակայության հիմքով հանրային լսումն ավարտվեց:


Որոշում.

Որոշվեց հանրային լսման արձանագրությունը ներկայացնել համայնքի ավագանուն:

Հանրային լսման նախաձեռնող՝  
«Օն դիզայն» ՍՊԸ տնօրեն Վ.Խաչիրյան

Արձանագրող՝ Մ.Պողոսյան

«Էկո մենեջմենթ» ՍՊ ընկերության տնօրեն  
Արթուր Մինասյան



A handwritten signature in blue ink, written over a horizontal line.